

壯懷堂詩初稿

壯懷堂詩初稿卷六

侯官林

詠古三首

吾觀春秋閒賢哉吳季子孤劍挂墓門寸心答知己豈
爲死者知食言良可恥生平報國心區區亦以此

古來敢死士豫聶名獨隆荆卿與漸離世亦稱英雄力
士擊秦皇專諸入吳宮朱家之洛下子陽來扶風至後
唐季年變哉虬髯翁皆以一人敵竄身危險中潛志運
天下失時摧其鋒諸公詎不偉力盡難爲功

阮藉哭窮途墨翟悲素絲賈生期寤主和氏羞無知有

懷未能達雪涕相隨之才高不用世丈夫空爾爲古之
賢哲人孰忍負明時元霜日夜至君子心不移豈如道
旁草荏苒隨風披

初春寄廉叔

已是經年別征人近若何地荒書到少天遠夢來多故
國春初入高堂髮漸皤及時努力歲序易蹉跎

聞雷

疾雨翻盆至江城二月雷車聲殷起電影劃空迴浦
溱龍蛇鬬郊原草木開陽和先布令氣候漸相催

葉辰溪

滋沅

以近詩見示

建安才調數曹徐太息奇篇眾不如楚輔文章新邸第
耆卿風月舊園廬盈樽玉液中山酒插架琅玕秘院書

惆悵軒前天籟靜

令祖小庚先生
著有天籟軒詞

石牀花發渺愁予

曉起即景

閒居少俗喧撫物靜無言小院蒙蒼靄疏檐負薄暄池
清魚影見林翳鳥音繁閒向於陵子朝來學灌園

感懷

世路風波可畏人乾坤何處着閒身鑑湖一曲多春色
誰是當年賀季真

不得廉叔訊

隔歲無消息臨風淚數行那堪親骨肉久使離家鄉夜
月聞清雁春風散綠楊庭闌思見汝朝夕重相望

暮春游長慶寺

凌晨緩步訪招提滿徑松陰路易迷十里江聲喧閣近
兩行山影壓窗低野壇雨過花爭落巖谷春深鳥亂啼
唐社久墟丹荔在年年畱得醉人題

寄芭川甯德

與君久不見三歲隔寒溫新在得情性相思空夢魂官
閒清似水縣小靜如村悵望關山遠何由共酒樽

酬袁岱萊

補宜

秀才

玉華崑崙高插天四山巖谷紛相連就中變異豈人境
託足便可名千年袁君少年豪宕者自道家居穴其下
文采真疑秀氣鍾襟懷日待山靈寫褒底新詩奪化工
勢如奔馬氣如虹清奇雄健各盡妙知有邱壑填君胸
記得去年侈高會草堂梅花開正大

戊申遇君於鄂渚草堂

成式

思題漢上襟季鷹忽憶吳中鱸一別經年不見君魚書
莫達苦離羣相知未得通懷抱幾向天涯望夕曛昨日

相逢郭南陌握手歡然話疇昔訪古同尋駙馬園

今爲李蘭

鄭都轉別業

探幽夜過逋仙宅

謂洛西

坐中李郎亦人豪

謂星村

奪臂氣逼青雲高無端聚散偶然耳天意似欲全吾曹

東坡全集卷之六
三
結交自古許王貢肝膽相傾共魂夢漫向洛陽弔二鴻
早從北海輕雙鳳何時重倒黃金觴嬌歌醉舞徵吳娘
酒酣斫劍看星斗意氣同爭萬古芒

偶成

陰晴天氣日西斜
醉思騰騰感物華
好夢卻教鶯喚醒
一簾疏雨落桐花

感懷東黃聖堯

經

上舍

平生慷慨意舍汝向誰論
自有詩書樂不知塵俗喧
好風過戶牖疏雨散林園
撫景增悲感相持濁酒樽
與芑川肖巖枚如連日飲城南酒樓

日日來登江上樓坐閒賓客各千秋疏狂斯世能容我
爛醉何妨到白頭

芭川招飲感贈

姓字於今滿九州茫茫天地復何求故鄉乍喜歸張翰
客路誰能識馬周自有文章堪絕世何妨狂醉日登樓
年來書劍飄零慣思欲從君海上游

時君將司訓臺陽

以武彝茶餉芭川

雲芽新自武溪來手汲清泉試幾回分與詩人消渴睡
來朝管使病顏開

食鱔魚歌

閩江東去連泓涵海氣上激天垂藍漁師乘潮弄輕艇
銜尾競出多於蠶網得鱗魚長尺半板身青春目則眈
手拾肩荷上街賣買以蒲柳盛筠籃賦形大小類鰕鱗
問價什倍高螺蚌買偏無錢舍可惜張口瞪目空懷慙
歸來沈思坐隱几神則倦矣睡且寢晨興主人食指動
驚喜數輩懸廚龕庖丁未來饋者去家人聚語聲喃喃
謂余適當采薪疾幸莫大縱饒夫貧豈知人生各有嗜
矧茲尤物尤所耽死生疾病亦定數詎必楊腹祛肥甘
膿脆雖爲腐腸物茹蔬不信皆彭聃此魚鯁多味差美
腴胸食譜吾能諳爲呼烹飪進老婢大腳急走頭盤鬢

抉睛刮膜務使淨割切霍霍揮霜鐔并華數渥始調和
鳴薑點醬需相參紅蓮初香廚下甌綠醞况滿牀頭甌
便宜洗盞具肴榼折柬火急邀朋簪狂吞大嚼頗快意
使我恍惚思江南到窗明月恰三五放櫂夜下芙蓉潭
是時風高浪初靜滅燭圍坐霏清談小童忽入拭几席
散列盤飣櫻桃柑銀鱗細骨首登俎不惜痛飲從沈酣
江城重閉萬家寂譙樓漏鼓纔撾三年來蹤迹杳音信
覩物憶舊情何堪酒闌客散曉星沒正見旭日中林舍
夏夜西園卽事分體得五言古同肖巖辰溪主人李少

崇敬
作

涼風動四野林氣清以幽浮雲從東來河漢西北流夜
深圓影匿疾雨忽翻溝蛙聲聚方塘螢火曜朱樓嘉賓
眷高會良夜侈歡遊曠懷宇宙閒淑景不可畱矧茲名
園勝相逢嵇阮儔浩歌且終夕星散方足憂

七夕懷廉叔兼呈聖堯

坐久中庭露氣侵譙樓漏盡夜沈沈月宮誰識嬌娥苦
璇室方傳帝子吟海內知交風雨夢天涯兄弟別離心
有人邊塞猶征戍幾處涼颿急暮砧

幕府

蓮幕秋澄擁絳旄一燈高館夜揮毫途窮始覺黃金貴

價重誰知白璧高
數載冰霜磨壯志
滿天風雨讀離騷
仲宣聊作依人計
日暮登臨感二毛

酬王雨菴少尹見贈

卧龍山勢連雲高
錢清江水飛寒濤
君生其閒具仙骨
放眼吳越空英豪
昔遊君鄉不相邁
一朝握手如歡舊
入門意氣萬夫雄
直捲滄溟倒懷輿
自惜昂藏七尺身
廿年閩楚走風塵
曲江以後無奇士

謂亭甫

薄海於今有

故人

謂王子壽
柏心比部

昨宵示我詩盈尺
陶謝風流建安格
向

世慚爲說項人登樓未是依
劉客丈夫在世羞無聞貴
當壯歲成殊勲獻策未能同
賈傅棄繻要必學終軍君

不見林生少時好游宴銀鞭白馬春風面學書學劍而
無成儒冠落拓猶貧賤王郎爲我歌莫哀謂我軼宕非
凡才卽今

廊廟方需材豈容隱迹埋蒿萊聞君此言心孔摧如夢
方醒聞驚雷王郎王郎爾勿貽我當奉此歸去來

送幕友盛葆仁

鴻勳

歸常州祝菊舫

蔚雲

歸

錢塘和雨菴韻

聚首未幾日與君成別離長歌倘相續杯酒亦奚辭明
月遲歸路青雲盼後期暫時且揮手清夢繫遐思

題肖巖詩集二首

揮盡牀頭賣字金壯心猶自起狂吟一身未際風雲會
兩鬢先愁霜雪侵豪宕閒傾元亮酒蒼涼誰識伯牙琴
名山事業看長卷從此人閒有鳳音

少年意氣萬夫雄老去詩篇律更工入世早無名士習
論交奄有古人風半生心迹劉琨識謂范一代才華謝

眺同

謂枚

我愧箏琶競繁響瓣香低首拜涪翁

別離曲

別離復別離與君長相思相思在遠道秋風令人悲朱
顏不可保苦衷不可道君看木槿花朝榮夕已槁願君
鑑明月月缺旋復圓送君自今日見君定何年君行日

以北妾心日以惻莫學秋胡妻相逢不相識

送芭川赴臺灣司訓

劉郎揖我浮滄海掉臂飄然去瀟灑長揮霜劍斫長鯨
怒目含愁吼真宰識君記在丙午春桃李紛紛初破蕊
城南酒熟撲面香日共提壺上街買相看意氣各自雄
白眼空教市人駭東洋一別三載強風月依稀顏色改
當時同輩半飄零鞅掌風塵幾人在昨夜嚴飆闐闐開
照見銀山流皚皚天寒門外發驄歌使我離懷碎於醢
同行幸有平生交君但煩憂應代解黃生讀書破萬卷
徒令胸中增硨磲金臺有淚無人知斯世何從逢郭隗

謂肖巖

謝郎才思妙清發下筆千言足文采平生肝膽持

向人贈我新詩燦珠琲

謂枚如

二子論交重金石終始相

從豈中怠衣食招人千里遙吾曹未必長貧餒十年我
尙困鄉園欲騁誰將策駕駘君行倘入仙人宮丹草瑤
芝好頻采他年遙寄一枝看爾我相期在千載

返照

返照翻江落秋城向晚開羣峯爭出沒獨鳥忽飛迴喜
見炊烟密驚聞畫角哀天涯正多事吟眺此登臺

送肖巖三首

束髮事結交識君非等閒握手未幾日別淚愁漫潛去

年往劍州春花滿江關會君邁疴疾飄然歸故山華筵
喜重聚朝夕欣追歡忽復遠行邁言尋滄海觀客途值
嚴飈雨雪淒以寒山川日迢隔何時望刀環世無安期
生坐使凋朱顏

孟冬物色淒遊子因奔走相看多苦顏欲語遲已久蛟
鱷當君前盜賊伺君後平生忠信懷區區亦何有丈夫
志四方州閭豈常守行矣不可畱望君在白首

人生百年內聚散如浮漚昔時其歡讌今此殊營謀孤
獸悲曠失飛禽語啁啾渺然彼何物猶或知相求矧茲
平生交安能已綢繆君因困衣食聊爾滄溟游我還守

章句抱拙歸山邱相期各努力毋貽吾黨羞

送枚如四首

四載同君共苦吟推襟送抱日追尋入門迴挾并幽氣
濟世常存管樂心鸞鶴江山增閱歷魚龍窟穴自浮沈
檀河不作松寥死風雅而今孰嗣音

曠代高名賀季真謝郎才調妙同羣笑含醉眼觀當世
苦抱孤懷向海濱南部煙花非舊主西園風月屬何人
不才未必甘遭棄坐向清時恥賤貧

忽聽驪歌各黯然扁舟高枕當遊仙久無浩淚酬知己
猶有雄心望昔賢照我尙畱黿頂月思君遙望鷺門煙

此行莫道飄零苦，負嶠方壺在眼前。

牢落風塵亦可哀，中宵拔劍起徘徊。幾年海內傳詩卷，
甚日天涯共酒杯。梓里交游高李郭，梁園詞賦重鄒枚。
相思豈惜書盈紙，好與天南雁帶來。

送人歸田

白雲何委委，流泉亦娟娟。山中寂無人，秋風時來還。
羨君盛筋力，歸卧南山田。以茲耕鑿心，詎與世情牽。
及時課晴雨，惟望大有年。凶荒免饑餒，四體忘勞艱。
吾生事奔走，愧賦歸耕篇。

瘦石山人歌贈汪

志周

瘦石山人海鶴姿行年七十人不知平生好畫兼好飲
醉後潑墨秋淋漓昨朝城南欣見之兩肩白髮垂絲絲
歡顏道故心不疑勸我力學言如飴自言嗜古有奇癖
不欲稍與時人宜援琴再鼓水仙操擊節一和淵明詩
儒冠誤身易憔悴秋風未老形先疲長焚文字事繪素
信手點染皆清奇作花欲語綴露朵寫竹如活披風枝
尤善蒼鷹及元鶴金睛鐵爪毛襪襪他若鸞鴻鷓鴣與
鸚鵡燕雀鷗鷺鵠鳩鵲神一一神各肖藝誠絕矣難
求疵傳家山水更絕妙筆所未到氣已馳波紋豈讓曹
仁希皴法遙過黃大痴國初以來乏好手憚王而後非

君誰賤子前席敢致詞請君試聽君勿嗤方今暮景窮
崦嵫急當歸去休遲遲感君新詩且相貽君其爲我芟
茅茨轉眼倏爾回春熙江城酒熟嘯黃鸝紅顏坐擁傾
瑤卮招君來遊君莫辭預拭鷺溪好東絹看君醉筆騰
蛟螭

得芑川肖巖厦門書卻寄

昨夜音書到知君宿鷺門江山從古勝寇盜只今繁凍
雨寒歸夢驚濤駭旅魂遙知滄海上赤手搏鯨黿

陳二幼農以明經入都作此送之兼呈令兄弈軒

崇砥

孝廉

數載游君伯仲閒
徵詩呼酒日追攀
紀羣家世原超俗
坡穎文章豈等閒
別後風濤揚子渡
到時冰雪薊門山
朝廷此日需材急

石對知能悅

望顏

聞廉叔歸信詩以迎之

聞君返鄉國
喜意欲何如
短櫂妻孥共
征途水潦餘
雲山千里夢
風雨數行書
莫更耽游眺
慈親正倚閭

壯懷堂詩初稿卷六終

壯懷堂詩初稿卷七

侯官林直子隅

上宮保家少穆

則徐

先生八首

遙辭

鳳陛謝簪纓白袷青綸出世情
八座威儀榮里閭三朝
耆舊重陪京華夷萬口歌功德
婦孺千秋識姓名作賦
愧無班馬豔敢將瓦缶頌生平

霓裳高詠冠羣仙走馬銀臺正
少年遷董文章工紀載
常楊制誥備傳宣胸儲東觀千
箱錦品重西清萬選錢
天與奇才逢

盛世至今

恩寵豔金蓮

白簡青囊黑豸冠日銜封事入

金鑾埋輪慷慨霜成氣擊劍縱橫鐵作肝露涇蘭臺蒼
珮潤風嚴柏寺繡衣寒直言不避椒庭貴骨鯁當年有
諫官

虎節朝隨豹尾斜驚傳除拜出

天家江淮鴻雁思劉琨襄漢黿鼉避鄧遐坐擁五兵馳
鹵簿高懸六纛簇銅牙乘驄

紫禁尤承寵編踏春風

盤路花

烽烟遙逼五羊東，握領軍符遣上公。
羣說陳湯能懾敵，忽聞魏絳已和戎。
波臣窟宅春雲暗，島帥艨艟夜火紅。
莫道

璽書方切責雷霆，正足表丹衷。

江城一哭暮雲昏，萬里驅車戍塞垣。
青史幾人能爲國，丹書何日問銜冤。
忍教寶玦沈西海，終遣刀環入玉門。
行見西安重建節，難忘一飯是

君恩。

益州屬國起妖氛，竹管蘆笳響徹雲。
狼燧遙迷金馬廟，

龍韜忽渡水犀軍
檣槍蠻洞崇朝靖
鐃吹營門入夜聞
奏捷封章頻

上達華翎翠管爲酬勲

一代名臣仰范韓
昔年清譽動

朝端

絲綸北閣歸疏廣
裙屐東山臥謝安
海內咸存元老望
道傍爭擁萬人看

聖朝肯許陶宏景
神武高風早挂冠

贈施怡巖丈

先生古遺直清迹越塵寰
人是羲皇上詩居韋柳間
觀

書悅天性煮藥駐童顏卽此成高臥翛然日掩關

得陳二幼農書卻寄卽和其見懷原韻

名山幾處快登尋書到知君過武林殘淚不勝離別怨
狂歌能續短長吟慚無季布千金諾空有荆卿一片心
燕市酒徒應未盡相思千里暮雲深

同李星村

應庚

上舍夜坐有懷芑川肖巖臺陽

共坐清宵漏未終畫堂西畔曲池東溼雲破月忽成雨
老樹出牆多受風夜色三分平地白燈光一粟射窗紅
當前無限懷人感側耳遙天叫斷鴻

宮保公宅觀鶴

元鶴幾時至言從洱海遙憑誰馴野性使爾出塵囂高
脛迎風立長吭逐雨銷終當厲雙翮萬里奮雲霄

謝宮保公饋荔枝四首

水驛山程夢久虛忽傳佳果到蓬廬看題知是楓亭種
皺玉星毬盡不如

風枝露葉啟筠籃色豔香濃味自甘細數剛符三百顆
莫非敎學老蘇貪

問價何曾重似金想看朱實壓千林不辭暑雨炎風苦
此老生來是赤心

城南烟雨暗迷濛舊事回思恨未窮寂寞范公祠下路

七年惆悵荔支紅

苦熱行

去年苦寒今苦熱火龍飛破炎雲裂焦陵沸海出扶桑
灼宇燎房穿地穴伏巖猛獸起狂叫側翅蒼鷹眼流血
想見天關積冰雪

憫旱謠

癡龍睡熟不肯醒西郊密雲行復停水車啞啞嘯徹曉
安得瀑瀉如建瓴夜來晴空橫玉兔畢星熒熒飛不度
三月那曾聞鸛鳴千家且自憂狼顧山田就燥水田乾
大麥小麥焦欲完買田兩歲無一穫白髮老翁起長歎

自言昨日縣吏至賣兒纔了今春稅狂呼怒叫始出門
此時又在鄰家醉

宮保公招飲七十二峯樓賦呈

登樓日暮思茫茫坐倚雕闌納晚涼雙塔迷烟時出沒
數峯過雨自青蒼縹緲淺泛新蛾綠細帙閒搜古蠹香
竟夕畫屏銀燭裏可容長醉恕清狂

送陳頌南

慶錦

給諫應

召入都四首

掖垣封事秘難聞抗疏披鱗幸有君四海同聲推趙抃
三公拭汗對朱雲日逢鳴鳳還增麗邪遇神羊盡息氛

早向鸞臺稱碩果底須諫草避人焚

陽城中歲謝簪裾放逐曾寬禮法疏一自挂冠辭

禁闥五年挂笏戀林廬都亭舊攬清流轡

京闕猶傳痛哭書莫使溪山甘石隱有人來叩子雲居
璽書昨日到炎方官府臨門促束裝飛簡

帝曾嘉任昉埋輪人久憚張綱已看豺虎邊關靖曾見
驛驛道路長此去定勞

前席問蒼生海內盡相望

西風遠道客衣單落木關河駐馬看三輔天高孤隼疾
九霄秋入皂雕寒蛾眉工妬今爲甚虎齒能編古所難

芳卉豈因蒼葉改烏臺重見舊朝官

洛西招飲蠖宦

數椽新結屋招客酒頻添與世能相遠藏身只自嚴君
才甘蠖屈吾道歎鱗潛料理名山業休教歲月淹

和李二星村感懷韻

悲歌相對強爲歡海國秋殘已早寒君自背人頻歎息
世誰爲汝惜艱難閉門待刻三年楮出鼎終成九轉丹
况是

聖朝無棄物會看身上五雲端

送宮保公奉

命督師西粵四首

妖氛連邑起縱橫粵國山河急戰征
八校軍聲秋角壯
百蠻鳥道夜烽明

君王便殿親除帥諸將南荒盡列營
共待上公籌勝策
蒼黎拭目盼霓旌

宵衣仰費

聖躬勞拜表閩天擁絳旄
萬里遙齋都護印六軍齊懍
尙方刀黥湘土吏煩征調嶺海魚龍敢遁逃
指日封章
聞奏捷策勦綸閣受

恩褒

銅柱威聲振粵州
伏波當日取封侯
星霜甲帳和衣臥
風月蠻溪緩帶遊
跋浪鯨鯢恬畫戟
窺林魑魅避華騶
如公智勇稱雙絕
招撫何須問壯猷

桓榮經術有誰同
遠畧還成蓋世功
前度洗兵滇洱水
今番仗節桂江風
清名早列三台貴
華爵行看五等崇
玉鉉黃麻虛席待
定能和協副

宸衷

送劉炯甫

存仁

孝廉赴粵西幕府

坐嘯劉琨一代雄
參軍幕府佐元功
兵塵遠接蠻天暗
裘馬輕隨海日紅
自具宏才供掌畫
待看名檄愈頭風

傳杯虎帳陪高宴標格東亭想畧同

別鶴

日見東籬下朝來忽別離人情難自料爾意更誰知飲
啄雖無伴飛鳴會有時青天連碧海何處不相思

哭宮傅家文忠公四首

九重丹日鑒孤忠三度

溫綸眷遇隆方冀籌邊資上將遽驚過嶺失元戎易名
詔予歐陽謚錄後

恩嘉許遠功人世哀榮今已極更從兜率溯蒼穹

中外宣勤四十秋行旌到處起吟謳初償漢相懸車願

又遣羊公建節游報主真如文路國出師還比武鄉侯
傷心炎海猶傳箭破敵何人握勝籌

文章經濟世無倫閒氣南天篤降申德業三朝留史册
哭聲一日遍軍民盈門彪固推家世繞帳韋平慶後人
聞道宣公多奏議莫教遺稿付沈淪

年來開閣喜追從

公自滇歸擢予掌
記室因得請業焉

何武風流再世逢

物外狂能容阮籍人前名遍說林宗文章入幕珊瑚貴
軍令行杯琥珀濃往事卽今渾似夢幾番回首淚沾胸
喜黃大肖巖歸自臺陽

黃生昨自臺陽至慰我離懷喜有餘往日詩情應未減

近來酒量復何如，羈遲海外三年夢。
棖觸風前萬里書，指顧文場看戰捷。
好憑獻賦步

丹除

送子駿兄之尤溪

歸何草草去匆匆，身世真如踏雪鴻。
每涉饑寒憐客久，莫因風雨怨途窮。
沿溪鼓響千艘發，隔邑書來一水通。
有約菊花開盛日，待看山色拜文公。

中秋對月有感

靜對長空月清輝，永夜遲一年容易。
度千里若爲思秋色，淨如此人心寒可知。
卻憐炎海路仍是羽書馳。

酬楊子恂

仲愉

茂才見贈原韻二首

萬夫意氣薄雲烟作賦才高直撓天
嗣復慶門應異日
蘭成射策正華年
飲香我愧風前客
抱玉人稱洞裏仙
莫道劉琨無遠志
讓君先著祖生鞭

著書無計遣窮愁
少日聲名滿十洲
攜劍快從三輔俠
看花曾作五陵游
浮沈酒肆歸中歲
根觸詩情入早秋
最是關心忘不得
誠齋佳句浩難酬

閏秋十五夜飲心北齋頭對月

又看今夜月不惜
倒金卮
白露偶然下
涼颿如許吹
關河無雁到滄海
有珠遺

時彥士韶鄰
秋闈報罷

况對同心客
應深

萬里思

奉楊光祿雪椒

慶琛

先生二首

典官中禁職司尊廉吏清名至此存五禁西曹資按讞
雙旌南豫憶分屯沅湘父老猶思治鄒魯英賢半在門
回首懸車歸杖日十年松菊老鄉園

壇坫東南感廢興扶輪大雅幾人勝公眞愛士如嚴武
我愧能詩繼杜陵伏櫪自嗟轅下驥解縑誰放架頭鷹
碧霄萬里無多路一出風塵直上騰

送袁岱萊

輔宜

明經及令弟笏卿

輔廷

茂才歸將樂

相聚未幾日輕裝忽戒途西風吹大野別酒置官湖雁

影鄉心切雞聲客夢孤尺書如可達倘訊故人無

送子城西路離情逝水俱風塵暫揮手歲月忽長徂兄

弟今雙璧文章古二蘇升沈應有定未可怨窮途

閏秋十九日同社中諸子游石鼓

是日至者爲家允臣龍言聽孫聰繇心北

拱樞陳彥士文翊李少棠敬陳韶鄰承媯敬甫
遇恩黃聖堯經舍弟廉叔秉淳及余共十人云

東南富名山茲峯秀鄉土屢思陟層岡以事輒中阻今

秋適清閒游伴結三五駕言訪招提林壑快窮睹爰登

巖際亭稍憩道旁隅探奇力已疲餘勇猶可賈不辭別

蘚勞何憚攀蘿苦穿林風漸高度澗月逾午崎嶇達崇

巔紅日欲東吐拄杖恣遐觀羣峯皆下俯巍巍五虎山

蹲視不敢怒城中十萬家羅列燦眉嫵郊原與村落瑣
屑如米聚長空到海盡萬里去無所雲開夷島出幾點
青可數狂嘯對滄溟天吳戰雙股顧盼亦稱雄歸途豈
云沮作詩戲三子愧與噲等伍

允臣彥士韶鄰
俱畱宿白雲堂

劣崩峯望海歌

劣崩秀出天南東附城諸山稱最雄酒酣興發思徑上
要看大海盤蒼穹寺僧導我出山後行逕磴確須扶筇
高秋微月照林際滿地怪影騰蛇龍摩肩引臂躡絕頂
俯視下界猶矇矓彩雲一片海上至漸覺冉冉升虛空
須臾忽散半天赤霜雞叫徹搏桑紅羲和攬轡鞭日出

火車疾走聲隆隆金光如箭忽激射照見萬古仙人宮
層樓鮫室屢變幻盡在縹緲虛無中銀濤如山噴空白
動盪萬里何奔衝中山日本在眼底貢道可藉舟航通
登高望遠眾所快我覺到此憂心忡往者島夷肆猖獗
海微連歲驚傳烽漫云遺孽看殆盡防禁未可教疏慵
生也苦無迴海力徒使激憤填心胸長歌未終短歌續
山靈笑我真狂蠢卽今四海待清晏蜚廉海若皆輸忠
鯨波日夜去浩瀚坐見萬派來朝宗詩成撫石發三嘯
林壑浩浩生長風

訪天風海濤亭故址

清晨陟絕巘四望何微茫天風與海濤入耳聲琅琅探
奇得亭址日久榛荆荒煌煌紫陽書名迹垂千霜健筆
窮造化崇碑厲穹蒼鬼神事呵護日月爭光芒我來肅
瞻仰再拜心恐惶何人起重構一笑凌天閭

宿白雲堂

幾日煩襟滌不開喜從蕭寺避塵埃涼生清簟和衣臥
風趁疎鐘打夢回半榻寒雲僧定後萬山殘月鶴歸來
虛堂燈火猶明滅坐聽泉聲向曉哀

喝水巖

振策訪靈巖巖高氣森爽石門繚烟蘿曲磴紆宿莽憑

誰劈雙崖疑出巨靈掌源泉日奔注噴薄縱修蟒當年
神晏師曾此拄飛杖惡喧喝倒流移湫息繁響嵌空徧
題名欲讀不可上筆蹤望猶新其人嗟已往因思宇宙
間萬物終土壤曷從赤松游永結烟霞想

靈源洞

靈源鬱奇氣日夕生虛嵐巖巒聳蒼翠玉鏡初開函地
幽水聲靜境僻林光涵豈惟一方勝實足誇東南天工
謝雕琢妙景窮冥探或躋飛鳥道亦駕驚虬驂徘徊洞
峽間下有千尺潭老龍起狂吟側耳聲初酣寂喧各盡
趣其理須相參何當遠塵俗來此棲茅庵

水雲亭寫望

慷慨悲歌地乾坤得此亭孤懷自今古逸興在滄溟瀑
落拖雲白潮來帶雨青憑高無限意一笑答山靈

達磨洞

獅子峯頭石亂蹲達磨洞口日黃昏泉聲千古不歸壑
雲氣四時常繞門野迳苔荒人迹少幽巖樹密鳥聲繁
談元靈嶠知何處猶賸當年石甕存

天鏡巖

名山閔靈異古洞翳僻篠誰施斧鑿工扶此渾沌窳鴻
濛忽啟藏天容恍含笑風霆爲磨瑩日月歸燭照我來

拂拭之萬象炫奇妙行行造其上因之一長眺高巖何
屢屢亂石亦蒼隋窮搜興未衰殘陽下孤嶠

循係老洋至般若庵

松陰十里路縱橫風至疑聞萬竅鳴翻樹驚禽窺客下
隔溪流水向人清秋成野老猶耕作地僻荒僧少送迎
一睡不知興廢事黃齋香飯足生平

東際樓夜坐

小坐東樓夜疏鐘響未停月高猿嘯樹風暗虎聽經靜
愛禪心寂微看佛火青禮師今不見何處問仙靈

欲尋白雲洞不果

古洞闢何年巉然肖獅口山僧不常來白雲日背黝我
聞三天門形勢絕超陡飛崖突礙肩怪石起防肘屏看
亂雲列湫作怒雷吼徑思騁奇觀奮往情恐後同行力
多靡對我顏色忸競言路嶮巖顛躓果誰咎平生覽勝
懷雲夢吞八九秦衡陟其巔區區亦何有終當躡雙屐
一洗腐儒醜

歸途雜詩四首

行行步出梵王宮海國江天一覽中小憩更衣亭畔路
萬山如畫夕陽紅

層巒踏遍下烟鬟石徑橫斜路幾灣十里濃陰扶杖過

回頭已失萬松關

獨坐秋林弄夕霏
亂雲深處有僧歸
無邊木葉蕭蕭下
隱聽鐘聲隔翠微

幾日看山意自勤
又教身世入塵氛
歸來不覺衣裳溼
猶帶天池頂上雲

飲家聽孫

聰辨

公子齋頭大醉走筆賦呈

我不能入海截鯨波
登山探虎穴
狂來欲學曹景宗
生擊黃獐飲其血
不圖高會醉此間
肺肝未免因人熱
是時八月風正淒
迸入幽篁聲屑屑
青天月出無纖塵
似爲詩人助高潔
眼前好景華筵開
登盤細膾如雲堆

鄰辭家足新釀痛飲不惜翻金杯滿座大笑聲如雷主
人少年殊好客勸我須當盡一石霏霏玉屑放奇談爲
述生平壯游迹一探星宿海再登崑崙城回疆八城歷
殆遍玉門四塞行無餘齊秦楚粵那足道勝境已過都
草草何年挂席赴滄溟更問神洲與仙島因君我亦懷
舊游奉親萬里趨檀州邊頭雪花大如掌十月飛上青
貂裘揭來京華居十載賦奇才名滿人海五嶽看山願
未償九重獻賦情空在掉頭南望去都門弔古關河滿
淚痕秦衡二三腳底出雲夢八九胸中吞繼游桂林復
鄂渚頻年踪迹愁羈旅勞勞車馬返鄉園幾載蓬廬臥

風雨須知行樂在少年當飲莫道囊無錢鄰家可醉亦
竟醉壚邊可眠亦竟眠一朝出身廁廊廟禹皋稷契欣
比肩上法典謨致堯舜快睹景運歸中天更和陰陽化
頑梗一洗海內無風烟要令千秋萬世姓氏青史傳然
後請賦歸來篇

送姚藍坡

寶銘

大令之官西蜀

楚玉南金迥不同使君器宇自沖融詩名少日推姚合
政績當年繼仲翁捧檄再經巴子國按圖重弔漢皇宮
壯游萬里眞奇絕長此相思劍閣雄

送楊三子恂赴禮部試

皇帝御極之元年

詔下海內求英賢秋風南國聽鳴鹿多士競起歌賓筵
就中楊郎最年少孝先腹笥誇便便入場下筆萬言就
議論風湧如奔泉主司落手歎奇妙謂此萬選青蚨錢
急當持出供世用莫使淪沒投深淵院門夜開璇榜出
姓氏早見螭頭懸杏園櫻宴久相待來歲當試

彤庭前嚴裝好隨計車發京華千里燕雲連如風飄搖
散天末離思遠挂飛鴻邊君行勿亟我有語有酒莫惜
杯盈千方今嶺南事征戰關河頻歲狼烽傳

聖皇側席勤採擇未可但奏揄揚篇上書貴能策時務

號令孰者當後先立教妖魔盡誅滅坐見四海歸
堯天我方有志苦未遂徒使望食空流涎曲闌燈炮暫
揮手他年期爾圖淩烟

東家珩卿

璵

吾宗足清彥之子更嶽崎弱歲幾憂患天涯還別離姓
名知我早文字結君遲杯酒南樓夜應深把袂思
送陳幼農兵部赴都供職四首

弱齡事交結意氣何飛揚所志邁儕輩同游多老蒼與
子初邂逅惟時意相當竊言會神物照耀雙干將詎知
歲華駛轉盼殊行藏子今被華服挾策趨靈光我仍困

鄉井舉國譏疏狂哲人固知命窮達非所傷奈因苦離
別坐使摧肝腸

問子適何所行行去京師朝辭故鄉邑夕宿滄江湄北
瞻太行山長雲何逶迤升高眴

天都

宮闕儼在茲遂經冀州野爰屆燕山陲停車適春和楊
柳滿路歧願君莫攀折攀折感分離何當採荃蕙芬芳
永相貽

嚴冬積陰雪日暮天且寒念子遠徂征鬱懷不能寬山
川緬以邈木葉紛摧殘幽禽雜啁啾曠獸行蹢躅覩茲

時物異浩然起長歎况云膠漆交夙昔常追歡一朝忽
契闊能無淚汎瀾甚欲從子去所愧無修翰

清晨肅行李步出城西隅明星猶未稀浮雲忽長徂親
交集相送衣冠塞通衢丈夫萬里志安能守鄉閭茲行
亦云遠何當立斯須勸子盡尊酒臨歧重踟躕願言最
令德努力慎前途

寄懷家穎叔

壽圖

水部三首

北風飄長林木葉何蕭疏眷言平生歡遙遙隔天都豈
不思問訊一寄空中書山川阻繇邈不得通雙魚羨君
菽水樂遠奉高堂居一官滯郎署數歲聞清譽下筆策

萬言早值承明廬上有

堯舜君素志方可攄朱顏豈長駐歲月嗟其除伊余遭
憂患依然守鄉閭何當奮逸響長笑牽君裾

別君六七年思君數千里中夜起看天壯心不能已志
士貴乘時非必炫朱紫惟茲用世懷竊與古人比豈無
終南徑齷齪殊可鄙墜道是所虞枉道亦深恥相期保
令名與君勵終始

大雅久無聞千秋絕崖岸水部何清揚通才獨淹貫少
齡博羣書騁筆隨點竄竭來業益精競力振文翰嚴詞
挾風霜清思轉波瀾金聲響更鏗藻采望逾燦匪惟南

國珍洵足當世冠我思繼其蹤奚啻在霄漢翹首不可
期撫膺發三歎

壯懷堂詩初稿卷七終

壯懷堂詩初稿卷八

侯官林直子



讀杜工部詩

曠代風騷感長懷杜拾遺高才不逢世多病尙爲詩骨
肉輕生死文章老亂離一編畱信史沈痛足吾師

種蘭

種蘭空谷閒芬馨自幽遠綠蘿託芳鄰青松衛根本東
牆桃李花徒自炫園苑春風一朝去容華日銷損何如
王者香高風被九畹采采寄所思山中歲華晚

酬何伯希

嵩祺

孝廉見贈

海內風塵晚何人更論詩無心得枚馬許我共文詞病
覺看山減才堪用世期時危思獻賦北去莫遲遲

浴佛歌

四月八日天清明相傳此日佛降生香湯盛設徧蘭若
浴佛遺俗仍南荆我聞佛自來無始色相皆空況生死
繙經常住淨名天濟世難量功德水世人好事徒紛紛
奉之謂可超凡羣飄空着手皆慈雨護地隨身有法雲
法雲慈雨垂應徧寶相莊嚴恍然見掌合頻欹袒座肩
髮皤未皺觀河面香火祇園盛浹旬檀施無礙結前因
洗將紺宇三千界幻出摩尼億萬身自今妙試拈花手

發迹諸天遠氛垢七寶池浮蓮九華露灑枝枝柳
如來金相絕淄塵每歲猶煇燦濯新世間納穢含汗者
貽笑龍華會上人

題家漢槎

星海

孝廉湖西秋望圖

我家舊住西湖西秋高雨過水拍隄雲光激灩蘩波際
換出千頃青玻璃此間風景殊不惡對景新詩偶然作
踏月頻登大夢山乘涼每醉澄瀾閣水晶宮殿久荒蕪
誰識閩王舊霸圖珠簾綺榭杳何處愁見白日啼城烏
可憐當日歌舞地古柳垂垂怨樵悴清笛空吹水上樓
疏鐘遠出煙中寺李公祠外菡萏開襲座時有香風來

英魂千載若常在弔古使我心肝摧自從去作諸侯客
回首湖山總塵迹場來游興誰最豪猶數吾宗老詩伯
自言憶在庚戌秋八月十五爲清游會當秋祠謁忠定

扁舟容與來中流側耳四聽風颭颭湖天一碧飛白鷗

眼前好景寫不盡殘日正挂城西樓主人太傅

是日主
人爲家

文忠公忽太息當年頗竭開湖力故鄉一別二十春依舊

靈區歎淤塞只今老病殊未遑忍看利藪將就荒露桃

煙柳好培植勝境安必輸錢塘酒行過半且歸矣攜手

諄諄言未已故鄉老輩漸凋零此事他年望吾子一自

妖氛動邊鄙將星隕落潮陽水感公斯言猶在耳摹公

之像深仰止朝來畫圖把相示賦詩我愧青蓮李還君
是圖三歎息人生難得是知己願君珍重畱此紙

酬李曉峯

以烜

主事見贈

近者爲長句寥寥見李侯琴書無俗韻談笑接名流痛
飲風塵暮狂歌天地秋年來同臭味爲樂不能休

東葉蓮塘

起

葉生畫筆似髯蘇許我摹公笠屐圖今日黃花開又到
隔籬能共一樽無

歲暮感懷示廉叔

廿年故物戀青毡歲暮相看各惘然屈指交游非昔日

關心風雨又經年。呵將凍筆償詩債。典卻春衫換酒錢。
手把芙蓉怨瑤瑟。天風冷。落上冰絃。

二十九日同人集蔣少陶

銘刺史齋頭

江城二月春雨多。詩筵醉倒金叵羅。主人登座恣歡謔。
客子入門狂嘯歌。射覆分曹頗不惡。行杯舉令殊非苛。
三吳昨夜羽書至。誰洗兵甲翻天河。

酬楊豫庭

叔懌

明經見贈

楊子千人傑。耽詩少日聞。吾徒惟縱酒。令弟竝能文。
謂恂經術師劉向才名薄。子雲金門遲獻賦。相望更殷殷。

贈徐中野

步莘

上舍

落拓誰憐老俊英當年宮體豔家聲屏山地僻雲俱懶
歐冶池荒水自清中酒劉伶拚獨醉持齋蘇晉學長生
瓣香低首莘田叟

君嗜黃莘田詩故名取義焉

不肯談詩怕近名

贈夏紫巖

壇

明府四首

十載京華住難將薄祿辭衙齋朝置酒驛館夜談詩南
國甘棠蔭春風竹馬思循良今再見知是廟堂姿

才大偏遭棄謀生技有餘傳神摩詰畫運腕右軍書風

雅推前輩功名盼後車侯門彈鋏徧莫漫歎無魚

君嘗依何

雨人汝霖尙書牛鏡塘鑑制府

故國干戈際浮雲萬里陰

時聞江

家書何日到客思與

春深況有青衫感頻驚白髮侵共君悲失路回首一
襟

一第知何日蹉跎忽至今不投三寸管爲慰九原心
畫燭燒殘淚焦桐覓賞音窮途此知己感激託微吟

奉邑侯金穀生

萬清

先生三首

彭城華裔盛簪裾竹閣風流儘有餘公自如神畱政績
世方宣德仰門閭科名弱歲裴元質經術當年董仲舒
只爲蒼生方待澤不教長傍玉堂居

幾年巖邑著循聲婦孺咸能道姓名花縣琴書歸薦牘
松關日月駐行旌遷階

帝下蒲輪召過境人爭竹馬迎餘事關心到文酒從容
冠帶尙儒生

舊物青氈歎獨存敢矜世德出清門生涯已覺薪勞慣

慰藉猶叨絮語溫

直邑試以第二人晉
謁先生獎慰備至

愛士眞能如孔

仙讓人私欲比劉琨朝來雨露知多少小草無心亦感
恩

奉答陳少香

借燦

明府見贈原韻二首

海內談風雅先生遭遇奇十年遷客傳一卷悼亡詩行
迹悲坡老知音悵子期故山何處是猿鶴費相思

忘年交不易況乃更忘形亂後頭先白貧來眼獨青豪

情殊未已却火記曾經芳草無銷歇春風又滿庭

附原作

脫畧佳公子九州曾攬奇科名身外物吳楚眼中

詩此調幾人解名山千古期梅花盛東閣日暮耿

相思

君讀書處
梅花極盛

子由一知已

謂令弟
廉叔

至樂可忘形池草夢中碧劍

花霜後青感時同對酒闌地且橫經靜處塵囂遠

春風吹滿庭

愁霖歎

堂前不合騰龍蛇懸檐瀑布如飛梭江城狂雨足十日

直決瓠子翻天河清池頃刻漫新漲傍砌緣階陡然上
黑雲下墜天爲低萬戶千門擲波浪晨有客喧呼來
南城十丈中宵摧豹頭山下雜民屋雉堞倒壓驚轟隕
崖崩石裂動天地但聽野哭聲如雷我聞斯言心孔哀
援之不得徒徘徊豈因天公怒示變否則河伯爲之災
眞耶妄耶勞驚猜語猶未畢雨復急蒼龍忽追白龍及
翻空倒海只須臾虛牖驚疑鬼神入田園此日多就荒
眼見米價隨軒昂束薪百錢不易得廚火黯澹寒無光
生靈久已墮塗炭況復連城事征戰羽書昨夜海上來
酒肉朱門尙開讌吁嗟乎朱門酒肉臭幾時路有餓骨

知不知

慰少香明府悼亡四首

憔悴驚君兩鬢霜無邊愁海正茫茫維摩身世原多病
潘岳才華易悼亡幻夢早應醒胡蝶他生猶許作鴛鴦
萍蹤絮影無憑據吹向西風總斷腸

笄年侍宦走邊陲辛苦能忘在莒時未可療飢名士餅
萬難續命美人絲傷心翡翠嗟摧翼無意珊瑚有斷枝
縱使銀河作平地人閒終不廢相思

元宵傳徧霓裳詠又聽新詞賦冶春琴韻風流高絕代
鷗波才福豔前身碧桃花落空留子紅藕香時不見人

烽火一棺歸未得

時開豫章警

故園西望獨傷神

經卷香爐歎獨存
靈旗從此杳魚軒
空餘幻草名懷夢
不信奇香善返魂
暮雨簾櫳燈黯黯
落花庭院月昏昏
客邊絕少藍田玉
誰向天涯伴淚痕

西湖泛舟泊荷亭同徐十一中野黃大聖堯令弟子穆

錡

家錫三

天齡

兩茂才舍弟廉叔

打槳湖陰去
晴空水不波
眠鷗驚客起
浴鴨傍船過
落日收菱芡
微風亂芰荷
浮亭畱小憩
歸路發高歌
餞菊圖爲陸費端卿
翰
離使題卽次原韻

渺渺關河一雁來
無邊秋思暗相催
憐君瘦影渾無迹

使我離顏鬱不開疏雨園林邀覓句晚風籬落對銜杯
把圖預話明年會除是山隈定水隈

北望

北望川原迴南來寇賊多故人杳難見吾道欲云何看
劍心還壯憂時鬢易皤自嘲樗散質未敢老巖阿

秋日感懷四首同張莘田

用精

明府作

乾坤羣盜尙縱橫年少何人議請纓投筆班超空食肉
登樓王粲獨傷神輓輪誰計司農匱經畧新教節相行
寄語征南諸將道蒼生日夜望

昇平

側目中原落日昏江南猶有幾州存豈無甲士屯天塹
竟使兵塵暗海門戰壘西風空白骨荒郊暮雨泣忠魂
可憐一片秦淮月夜夜關河照血痕

秋來幾處報烽煙衡豫飛丸轉戰頻未必山川歸李特
浪傳樓艦走盧循奇才出處知何日天下瘡痍賴有人
豈是漢庭稀畫手十年高閣冷麒麟

聞道漳泉路未通孫恩絕島復稱雄金螭險蝕鯢身月
石燕狂迴鹿耳風瀚海波濤飛戰艦邊關風月老元戎
賈生自有匡時策痛哭無由達

帝聰

小西湖訪趙十五陳叔度墓

西湖十里波沄沄湖雲激濺湖氣昏煙汀沙渚碧無際
中有渺渺詩人魂相傳前季盛詩社石倉好客開名園
日尋觴詠集才輩五字競比長城屯就中佳句數陳子
泉聲終日聞潺湲詩成秋室無俗韻競以此事相推袁
自從丙戌遭喪亂故人亮節光乾坤酒徒詞客漸凋散
貧病真覺愁無援同時趙生亦矯矯布衣不識王侯尊
詩篇畫本世頗重身世與陳爭輕軒可憐先後歎蘂露
稱述誰使微名存櫟園侍郎好事者慷慨獨爲營其墟
迄今遠隔二百載隴道滅沒榛荆繁碑傾碣斷杳何處

時有老鴉唳在門我來臨風數歎息憑弔不惜清樽翻
歸途遙遙未覺暮斜日正下湖西村

九日集瓣香堂同黃聖堯馬子翊

凌霄

陳子駒

通祺上

舍郭穀齋

式昌

家錫三茂才楊豫庭明經令弟子恂雪

滄

凌

孝廉

一歲忽逢重九日牀頭羣醺餞秋錢登高烏石容吾輩
作記南豐已昔賢叢箒易荒詩碣路黃花歸揮帽簷邊
龍山會後斯游最但醉何妨抱甕眠

哭劉九芭川四首

島夷搆亂日滄海哭君時力疾猶呼戰瀕危尙寄詩柔

情歸越女薄恙悞盧醫知有遺篇在飄零付阿誰

談詩前日事十載喜相親遽爾驚長訣終疑信未眞文

章催短命風雨暗良辰痛惜風流盡悲歌一愴神

海外羈棲久甘情苜蓿盤生徒欽著作父老懷衣冠回

首三年別傷心萬事殘階前雙玉樹拭淚爲君看

同輩多搖落猶存謝

謂枚如

與黃

謂肖

年來各衰賤吾道

付滄浪時事知胡底斯人獨可傷招魂湖上水淒斷幾

迴腸

贈符雪樵

兆綸

明府二首

藏園不作澈翁往當代稱詩尙幾人宗派西江君已老

文章南社我猶貧尺書上達知何日杯酒相從亦夙因
零落燈前訴懷抱暮天風雨易傷神

無端涕淚忽紛紛萬事淒涼不可聞楓葉大江秋送客
菊花疏雨晚逢君夢中好事空流水醉後狂歌冷暮雲
十載江湖餘壯志擬拋書劍學從軍

感事和聖堯韻

入秋渾似夢蹤迹倦浮雲投足漸無地同心還有君蒼
蠅爭驥尾老鶴自雞羣會此渺然意那知塵世紛

塞上曲二首

九霄風勁晚盤鵬秋入中原萬馬驕報與單于天子道

漢家近倚霍嫖姚

莽莽平沙塞草黃關門明月夜蒼涼軍中一唱丁都護

萬里征人盡斷腸

偶作和張少伯

培仁明府韻

撫劍意不適詩從何處尋
由來故家子空有報恩心
惆悵江南賦悲涼梁甫吟
相逢一杯酒日暮共愁深

攜酒過紫巖先生同少香雪樵莘田少伯諸明府舍弟

廉叔飲

高齋無俗客不見點塵侵
如入芝蘭室相陪著作林
豪情同載酒中歲喜抽簪
一笑登樓望閒雲出遠岑

和雪樵明府倚樓韻二首

萬里關河指顧收，感時王粲獨登樓。
客邊濁酒澆難醉，眼底浮雲去未休。
竟有高峯迴楚雁，任看夜月喘吳牛。
秋來一事關心甚，金匱軍書日夕愁。

海內承平定幾年，眼中萬事付秋煙。
才生世原非福，詩未窮途倘值錢。
憤俗屈平成獨往，罷官梅尉是真仙。
故園風月應無恙，好向江湖理釣船。

附原作

山川歷歷望中收，身世無聊託倚樓。
萬族忍看生日感，一官幸向死前休。
天空搏擊饒鷹隼，地大縱

橫任馬牛只是有家歸未得酒邊雲樹迴生愁
曾是三河好少年鶯花前夢冷如煙塵中易了三
千牘天上難償十萬錢潘岳本來成拙宦東方猶
許作頑仙待題佳句人閒徧重問蓬萊舊渡船
雪樵明府復有和作再疊前韻奉呈

朔風初動菊初收斜日來登賣酒樓當道諸公方袞袞
過亭行客且休休勢危漸覺成騎虎意盛還思結僊牛
卻怪銅山無一語但垂鉛淚替人愁

渤海兵塵年復年姓名誰許上淩煙籌邊屢拜元戎印
轉餉虛糜內府錢玉笛聲寒悲野老霓裳唱斷散羣仙

與君各有傷心事甚日同登海上船

附和作

海底珊瑚網未收青紅自幻蜃爲樓月沈濁水光
難掩雲作奇峯勢未休別有丹青畫麟閣儘容蠻
觸鬪蝸牛呻吟此日非無病飯顆山人況善愁

我衰思見太平年處處狼烽起夕煙招募難充戈
甲數征求已竭地丁錢似聞騷賦哀山鬼聊抱牙
琴問水仙萬里海風今不競旌旗望斷舊樓船

江樓題壁同星村聖堯廉叔作

倚徧江樓興不賒蕭條錦瑟怨年華新愁滿載看花艇

殘日斜分賣酒家望裏垂楊青陌上夢中芳草綠天涯
臨樽無恨懷人感付與詩情豔晚霞

同少香雪樵紫巖莘田少伯五明府廉叔舍弟冶山觀
劇同雪樵作

盜賊關河耿未收秦川公子漫登樓知交人海誰青眼
子弟梨園易白頭歷歷興亡爭頃刻匆匆成敗閱千秋
哀絲豪竹無情物迸入寒筇一味愁

附原作

干戈滿眼送流年海國笙歌尙此筵敢笑登場皆
傀儡漫思有酒學神仙飄零風雨雙龍劍蕭瑟關

河一馬鞭

時莘田將
子役閩清

想對梅花彈別鶴更添幽怨

上冰絃

送莘田明府閩清防堵

百里閩江水清瑩一鏡函高空下孤鳥落日卸千帆

聖世期無負君才況不凡楓亭同奏捷好慰荔支饒

時興

化用
兵

讀雪樵明府南浦紀游詩感賦卽用其席上韻

看花仍憶少年游南浦煙雲幾度秋江上青山斜日櫂
水邊明月舊時樓金樽檀板嗟銷歇笠影鞭絲感去留
我亦樊川淪落慣十年好夢覺揚州

輓李月樓

子韻

二尹二首

龍樓曾一面懷抱爲君開握別未幾日忽驚凶耗來忠

魂歸舊扇

君赴難時以陳少香先生詩扇令小卒持歸

新鬼哭殘杯烽火何

時歛溪聲無盡哀

慷慨輕生死於今得幾人知交餘老輩多病有衰親短劍愁風雨孤燈話鬼神

聖朝能養士端不愧儒臣

冬夜飲城南酒樓訪雪樵明府不值

城南花柳亦多情便作山陰訪戴行明月那堪愁裏白灘聲況是夢中驚風塵海內猶征戰杯酒生涯望太平

此日張郎竟黃土銀箏冷落贈歌聲

是夕讀亨甫壁閒舊句

附和作

江山如此付閒情幾度城南步笛行楓葉荻花殘
醉在成笳關角使人驚鷓鴣賦就身如寄鸚鵡才
高氣未平

亡友張亨甫有詩在壁

淘盡英雄有遺恨早潮聲

與晚潮聲

飲陳子駒齋頭

連夕愁風雨無因慰寂寥羽書猶昨日杯酒又今宵話
到南皮宴攀回北斗杓仍須聯後約壘塊未全消

少香先生以鷗汀漁隱圖屬題漫賦三十二韻

少小耳翁名

先生晚年自號蘇翁

恨未識翁面及讀漁隱詩私懷

有餘戀記從癸丑春燈筵啟華宴佳句賦元宵旗亭傳

且徧

余嘗以元宵曲徵詩騷壇諸鉅公推先生作爲第一

蓬廬辱高軒自茲始

相見交情喜忘年屢許陪文譙張侯時同游謂莘爲述

君後先弱歲負清譽一試冠羣彥三十上公車獻賦通

明殿十年困青瑣詩名人海擅才高思濟時去謁銓曹

選一官蒞閩中不慚循吏傳公門桃李榮

先生已亥鄉闈分校多得

士花滿河陽縣口碑載路隅到處歡聲林詎知傀儡場

星霜倏遷變宦海足風波名心就衰倦側聞內助賢倡

和饒詩片

德配沈夫人亦工詩著有琴韻閣詩詞若干卷

才福豔鷗波於古稱

邦媛豈風天半來吹折雙飛燕
潘岳賦悼亡委地愁花
鈿濟美起鳳毛定卜家聲禪
我生負明時三十猶貧賤
深慚北海知枉費稱生薦不遺瓦缶鳴爲我序行卷詩
詞荷見投五字珠璣濺憐才出天性所造愧猶健戈甲
滿東南憂時淚如霰故鄉有草堂二十四鵲草堂先生讀書處歸心
急於箭西江山水區煙景富葱蒨一竿嘯傲餘幽懷託
高狷朝攜畫圖出令我目光炫何年挂釣帆穩趁東風
便

避兵

海國兵塵暗浮生未有涯
十年王粲傳八口杜陵家去

去迹蹤迹寥寥感物華仙源何處所一許問桃花

莘田歸自閩清招同少香少伯二明府吳伯鈞

國俊離

使舍弟廉叔飲遲紫巖雪樵不至

羣盜今無恙扁舟獨夜迴偷閒期把袂相見喜銜杯畫
燭因風亂疏簾對雨閒主人能好客並轡會須來

酬陳少丞

慶年

孝廉見贈原韻二首

薊樹燕雲憶少游光陰彈指幾經秋交情見說雷陳輩
經濟深期管樂儔尙欲翩翩誇濁世任教衮衮話清流
寶山不是無人入美玉由來待價售

謫仙筆陣掃千人知己誰爲賀季真眼底魚龍爭變化

天邊鷹隼尙風塵名山漫作千秋想弱質終慚萬里身
回首京華增感慨白雲隱隱隔

楓宸

十一日飲雪樵先生寓齋

炎歊爛微暑日夕天無風出門寡所適悵悵迷西東先
生嚮達人邀我開黃封綺席羅珍羞園蔬翦秋菰當筵
盛嘉客談笑多歡容論詩見天趣動宕排心胸清游豈
常得秉燭愁深紅羽書昨夜至嶺海仍傳烽

時聞潮人
州警

生易聚散轉瞬如飛蓬萬事有明日不辭杯酒空

結鄰東蘇翁

我愛陳夫子朝來喜結鄰文章應許證氣誼況相親名
自耽吟誤家因買醉貧一枝聊與借未可笑風塵
前詩墨溜未乾和詩踵至再疊前韻奉呈

芳街疏雨後乘興過南鄰自此夢相近定知情更親天
心知可復吾道豈長貧且惜無佳月時同醉麴塵

壯懷堂詩初稿卷八終